

Q. 332, 16.

Carmina Nuptialia

V, 702.

Za  
5809

AD INTEGRRI-  
MVM VIRVM, SAMVE-  
LEM CREBELIVM, CIVEM LIPSI-  
ENSEM, CONTRAHENTEM MA-  
TRIMONIUM,

Cum

PIA, ET PVDICA VIRGI-  
NE ESTHRA, REVERENDI ET ORNA-  
tissimi viri M. PETRI HESSI, Archi-  
diaconi ad D. Thomam,  
filia.

*Scripta ab amicis & cognatis.*



LIPSIÆ,

GEORGIVS DEFNERVS EXCVDEBAT.

Anno

---

M. D. LXXXIIII.

**C**ivus in thalamum, diuino numine sponsa,  
 Quam pietas, mores, forma pudorq; probant.  
 Is quater est felix, & dextro sidere natus,  
 Ambit eum cornu copia larga suo.  
 Namq; virum totis animi penetralibus ardet,  
 Atq; viro prorsum nil putat esse prius.  
 Illa viro rebus solamina præbet in arctis,  
 Sortis & infidæ fulmina sæpè leuat.  
 Illa viri sequitur ductum, tractatq; fidebis  
 Omnia, quæ spectant emolumenta domus.  
 Dos iuuat innumeros, splendor, vel copia rerum,  
 At prior est cunctis, quæ colit vna, Deum.  
 Hæc est sponsa decens, hæc vna cura marito,  
 Hanc anima partem iudicat esse sua.  
 Nunc igitur S A M V E L, felicibus edite pennis,  
 Pertentent mentem gaudia, sponse, tuam.  
 Nam tibi sponsa bonis auibus deducitur, vna,  
 Adiutrix, animi portio grata tui.  
 Quam pudor & pietas, quam laudat gratia morum,  
 Quam Charis & virtus, formaq; laude vehit.  
 Illa tibi fallet fallacis tædia vite,  
 Ac annos tecum turturis instar aget.  
 Hac igitur gaude sponsa, quam conditor orbis,  
 Sponse tibi iam nunc præbuit ipse, Deus.  
 Viuite perpetuò felices, sponsa maritum,  
 Et sponsus sponsam diligat usq; suam.  
 Blanda Charis firmo semper vos iungat amore,  
 Nulla cubet vestros Eumenis ante lares.  
 Paxq; fidesq; domus custodes limina seruent,  
 Nam nihil utilius pace fideq; toro.

Viuite

*Viuite Cumææ vatis feliciter annos,  
Impleat & faustus Carbasæ vestra Notus.*

M. Alexander Becker VVolckensteinensis.

A L I V D.

**Q***ui pius in terris traducit tempora vite,  
Hunc Deus ex omni parte beare solet.  
Namq; pia primùm donatur coniuge, læta  
Post ea fortune munera larga capit.  
Ergo quis ô Samuel te iam neget esse beatum,  
Cum subeat thalamum virgo pudica tuum?  
Coniugium vestrum fortunet Conditor orbis,  
Et mala Carpathium trans mare cuncta fuget.  
Poma quot autumnus, quot dulces educat vuas:  
Tot vobis vera prospera mente precor.  
Viuite felices, thalami sint fœdera firma,  
Vnanimisq; regat pectora bina fauor.*

M. Daniel Selneccerus Dresdensis

A L I V D.

**V***T Phœbus inter sidera  
Cælo renidet fulgido:  
Sic sponsa sic coniux decens  
Res inter omnes emicat.  
Honestam nam puellulam  
Donum Dei ter maximi,  
Solum marito coniugem  
Largitur optatam Deus.  
Nunc ergo sponse gaudia,  
Frontem explicando, concipe,  
Nam sponsa rursus optima*

A 2

Diuini-

Diuinitus datur tibi,  
Qua castitate pectoris,  
Integritate, moribus,  
Cultuq; sacri numinis  
Triumphat inter nubiles.

Hanc ergo sponse dilige,  
Imo recessu pectoris,  
Tu sponsa contra dilige  
Tuum maritum sedulo.

Ambo beati uiuite  
Dum membra firmat spiritus,  
Rem prouehens Concordia  
Vos coniugatos copulet.

Non morbus, infortunium,  
Non tela sortis asperæ  
Non lingua mendax, non Eris,  
Incepta perdant gaudia.

M. Georgius Selneccerus Dresdensis.

A L I V D.

**E**st schola virtutum torus, est Academia vite,  
In qua materiam discere semper habes.  
Hic etenim pietas, virtus, patientia, candor,  
Hic regit integritas, hic amor atq; fides.  
Gratulor ergo tibi, Samuel, de coniuge pulchra,  
Ac opto tædis prospera quæq; tuis.  
En datur à Domino coniunx tibi virgo pudica,  
Quæ tibi curarum sola leuamen erit.  
Viuite felices, quos vincla iugalia neētunt,  
Ac nullum turbent gaudia vestra malum.

Vndiq;

Vndiq̄ pax vestras coniungat candida mentes  
Atq̄ regant vestram vela secunda ratem.  
Sideribus ceu fixa manet Concordia sensus  
Iacem coniugibus sic sit & vnus amor.

M. Petrus Becker Lipsensis.

A L I V D.

**P**ulchrior aurora lux aurea surge profundo:  
Prode diem solito mage clarum, Lucifer albe:  
Nam pius ingreditur Sponsus penetralia templi,  
Quam pone ingreditur vultu noua Sponsa pudico.  
Criabelio abstulerat charam mors inuida costam:  
Horror erat lecti socialis, brumaeq̄ dura:  
Aetheris at rector vidui miseratus, inanes  
Issi preces casto prolatas noluit ore.  
Idcirco inflauit latitantes sibus ignes:  
Fecit & in pulchra tremulum incaluisse puella.  
Vritur, & totus flagrat noctesq̄ diesq̄:  
Nec prius absistit, donec res cedere votis  
Visa suis iunctaeq̄ manus, tadeq̄ parata.  
O nimium felix, Nympham qui ducit honestam,  
Hoc certe donum excocto est praestantior auro,  
Et praestat conchas, quas fert Tagus aureus, Indas.  
Ergo tuos etiam dicamus Sponse beatos  
Conatus, caelo gratos, terrisq̄ salubres,  
Nunc extende tuas vlnas, & mentus inermem  
Circumeunte, tuam, cubitu complectere Nuptiam.  
O noua nupta satis felix, nam munere Diuum  
Aetherea sponsus venit tibi talis ab arce.  
Quod restat, vobis has t.edas grator & opto,  
Rector ut ipse poli capto det vela secunda:

A 3

Dum

*Dum vehit amnis aquas adsit quoque copia cornu  
Pleno, circumstet vestram Concoraia mensam:  
Atque thoro aspirent fecundis numina ventis.  
Quotque natant pisces, vasto quot in aequore naues:  
Quotque rosas molles producunt tempora verna:  
Tot quoque de vestro generentur sanguine nati,  
Quos matris pietas ornat, moresque paterni.  
Denique tu SAMVEL Pylios feliciter annos  
Exige, & Estra habeat Cumea secula Vatis.*

Augustinus Heflus Lipsensis.

A L I V D.

**N**on malè succedit res numine capta vocato,  
Fine sed absolui prosperiore solet.  
Ergo age Capta iuua rerum venerande creator,  
Et lata sponso aspice fronte novos.  
Ipse veni clemens & dextras iunge piorum  
Numine confirmans fœdera sancta tuo.  
Insidias prohibe stygij fraudesque Draconis  
Ne Sponsis noceat vis metuenda novis.  
Acciderit durum si quid, succurre vocatus,  
Ut mare per vastum tristia quaeq; fuges.  
Sic tibi laus crescet, sic te Dominumque patremque  
Laudabit soboles cum genetrice pia.

Michael Stromerus Lipsicus.

Ἐπιθάλαμιον ex dicto Syracidis 25.

**S**unt tria quae pariter superumque hominumque fauorem  
Merentur, atque gratiam:

*Nectit*

*Nectit ubi dulcis fratrum Concordia mentes  
Pias amore mutuo :  
Vicini niuibus si candidiora caducis  
Et lacte gestant pectora :  
Cum coniunx vitam ducit sine lite quietam  
Dulcissima cum coniuge.  
His nihil in toto iucundius aspicit orbe  
Sol aureus virtutibus :  
Ha gemmas vincunt, preciosaq; munera regum  
Et quicquid orbis suspicit :  
Huc Deus aethereus praesens sua lumina flectens,  
Quam multa donat commoda.  
Ergo sponse tibi si conciliare fauorem  
Cupis DEI, & mortalium.  
Concordi sociam thalami complectere nexu  
Amoris ardentissimi :  
Esther & ingenua faciet te prole parentem  
Laudes DEI qua concinat,  
Sponsam sponsa tuum formosa fouebis in vlnis,  
Et grata referes munera.  
Ipse DEVS castum sic fortunabit amorem,  
Sua & beabit gratia  
Sic non ulla lares vestros intrabit Erynnis,  
Aberunt proculq; iurgia.  
Vester amor vigeat Sicula feruentior Aethna  
Per longa vitae secula.*

Michael Christianus.

A L I V D.

**Q**uod expetis iugalia,  
Esther Soror suauissima

Iam

Iam iam subire vincula,  
Criebeli & optimi thorum  
Ardes viri castissimum  
Inire, captum illi DEO  
Tuum probatur maximo.

Hinc ergo voce supplicii  
Precorq; cordis intimi  
Votis, ut adsit gratia  
Vobis, tegatq; dextera:  
Felicis ille tempora  
Videre dei longissima  
Vita, beataq; liberis  
Vestram domum pulcherrimis.

Petrus Hefs.

Χρονοδίσταρον.

SOLE VIAS LIBRÆ nonas Carpente per astra:  
VLNIS KRIBELVM CVLta pVella fovet.

A. M. VV.

F I N I S !

V I I A

M.F.

Ha 5809 2A

X2206323





Za  
5809

V, 702.

Nuptialia

EGERRI  
M, SAMVE-  
M, CIVEM LIPSI-  
AHENTEM MA-  
NIVM,

na

ICA VIRGI-  
RENDI ET ORNA-  
RI HESSI, Archi-  
Thomam,

is & cognatis,



UNIVERSITÄTS-BIBLIOTHEK  
HALLE  
(SAALE)

IÆ,

RVS EXCVDEBAT.

O

XXIIII.

